

SCRIPT OF EVENING GOJRI NEWS BULLETIN 17DEC 2025

1700HRS

ایوننگ گوجری نیوز بولٹن 17 دسمبر 2025

یوہ آکاشوانی جموں بے ظفر اقبال تے نصرت چودھری تیں خبر سنو۔

HEADLINES

- ۱۔ لیفٹیننٹ گورنر منوج سنہا نے آئی آئی ایم جموں مانہ منعقدہ بسولی پیٹنگ ور کشاپ مانہ شرکت کی جت انہاں نے عوامی مرکز غی ترقی ور زور دتو۔
- ۲۔ وزیر اعلیٰ عمر عبداللہ نے سرینگر مانہ منعقدہ 17 ویں بھارتی مہم جوئی دورہ آپریٹر ایسوسیشن اجلاس غے دوران جموں کشمیر مانہ عالمی مہماتی سیاحت غا مرکز غا طور ور پیش کیو۔
- ۳۔ پلس پولیو مہم 2025 غی تیاری جموں کشمیر مانہ مکمل کرلی گئیں ہیں جت بچاں مانہ پولیو غا قطرہ پلان واسطے 10 ہزار تیں متی بوتھ قائم کیا گیا ہیں۔
- ۴۔ جموں کشمیر غی فٹ بال ٹیم نے سنتوش ٹرافی مانہ ہماچل پردیش مانہ ترے صفر تیں شکست دتی تے یاه اُن غی مسلسل دوجی جیت بے۔
- ۵۔ محکمہ موسمیات غی تازہ جانکاری غے مطابق آئندہ ہفتہ جموں کشمیر غا اوچا علاقان مانہ ہلکی تے درمیانہ درجہ غی برف باری ہوسکے۔

LG BASHOLI WORKSHOP

لیفٹیننٹ گورنر منوج سنہا اج منجیمنٹ بارے بھارتی ادارو آئی آئی ایم جموں مانہ بسولی پیٹنگ ور کشاپ غی افتتاحی تقریب مانہ مہمان خصوصی غا طور ور شرکت کی۔ اجتماع سنگ خطاب کرتا واں لیفٹیننٹ گورنر نے وکست بھارت غا 4 ستونان مانہ مضبوط کرن غی ضرورت ور زور دتو جن مانہ خواتین نوجوانان کسان تے غریب شامل ہیں انہاں نے کہیو جے حکومت غا اقدام جن مانہ میک ان انڈیا سکیل انڈیا تے سمارٹ سیٹی غو براہ راست فائدو عام لوکاں مانہ ہونو چاہیے اچھے حکمرانی ور زور دیتا واں انہاں نے شفاف، جامع تے شہریاں ور مبنی پالیسیاں ور زور دتو تانجے یوہ یقینی بنایو جاسکے کہ ترقی آخری میل تک پُچ کے ت معاشرہ غا ہر طبقہ مانہ بالاختیار بنایو جاسکے۔ اس موقع ور بولتا واں جناب منوج سنہا نے اس طرح کہیو۔

CM ATOAI

وزیر اعلیٰ عمر عبداللہ نے اج ایس کے آئی سی سی سرینگر مانہ بھارتی مہم جوئی دورہ آپریٹر ایسوسیشن غا 17 سالانہ اجلاس غی صدارت کی اس موقع ور خطاب کرتا واں وزیر اعلیٰ نے جموں کشمیر غی سیاحت مہم جوئی مانہ وسیع امکانات مانہ اُجاگر کیو تے ترقی غا اہم ستونان غا طور ور حفاظت پاسداری تے صلاحیت سازی ور زور دتو انہاں نے بنیادی ڈھانچہ ہنر مند افراد قوت تے امدادی پالیسی غے ذریعے جموں کشمیر مانہ عالمی سیاحت غا نقشہ ور نمایاں مقام دی واسطے حکومت غا عزم غو آعادو کیو جدکہ مقامی نوجوانان تے عام برادری واسطے روزی روٹی پیدا کرن ور اتفاق ظاہر کیو۔

ORAL POLIO VACCINE

جموں کشمیر مانہہ پلس پولیو مہم غے تحت حفاظتی ٹیکہ کاری بارے قومی تہاڑو 2025 گو آغاز 21 دسمبر نانہہ وے گو اس مہم مانہہ صفر توں 5 براں غی عمر 19 لکھ توں متا بچاں نانہہ پولیو ویکسین پلائی جے غی جد کہ کہہ کہہ مہم 22 تے 23 دسمبر نانہہ جاری رے غی تانجے کوئی بچو ویکسین توں محروم نہ رہ جے۔ اس سلسلہ مانہہ حکام نے دسیو ہے 10993 غے کول کال بوتھس 248 ٹرانسٹ پوئیٹ تے 518 موبائل ٹیم تعینات کی گئی ہیں اس ضمن مانہہ جموں اندر اک میڈیا آگاہی اجلاس وی منعقد کیو گئیو تانجے عوامی تعاون حاصل کرگے ہر بچہ نانہہ پولیو گا دو قطرہ پلایا جائے تے پولیو توں پاک جموں کشمیر برقرار رکھیو جاسکے۔ اس سلسلہ مانہہ گل کرتا واں ڈاکٹر شاہد حسین نے کج اس طرح کہیو۔

DODA HANDICRAFTS

ڈوڈہ مانہہ محکمہ دستکاری تے ہٹھ کڈی، مقامی کاریگراں تے بُنکراں نانہہ خود کفیل بنان تے روزگار غے ذریعے، ان غی زندگیاں نانہہ کر رہیا ہیں۔ اس بارے گل کرتا واں اسٹینٹ ڈائریکٹر پردیپ شان نے کہیو کہ محکمہ علاقہ غا کاریگراں نانہہ ہٹھ سکھان غے نال مدد فراہم کر رہیو ہے۔ انہاں نے مزید کہیو کہ کاریگراں غی مدد واسطے انہاں غی بُنیادی سہولت نانہہ پورو کرن غی خاطر محکمہ انہاں نانہہ مہینہ غو ایک ہزار روپیو وظیفہ دتو جے۔ انہاں نے مزید اس طرح کہیو۔

SANTOSH TROPHY FOOTBALL

ویں ستوش ٹرافی قومی فٹ بال مقابلو 2025-26 مانہہ جموں کشمیر فٹ بال ٹیم 79 ے شاندار کارکردگی غو سلسلو جاری رکھتا واں گروپ اے غا مقابلہ مانہہ ہماچل پردیش نانہہ ترے۔ صفر تیں شکست دتی۔ یوہ مقابلو پنجاب غا مہل پور مانہہ پرنسپل ہریجن اسپورٹس اسٹیڈیم مانہہ کھیڈیو گیو۔ یاه جموں کشمیر ٹیم غی ٹورنامنٹ مانہہ مسلسل دوجی جیت ہے۔ جس تیں ٹیم غا حوصلہ، اعتماد تے اجتماعی عزم غو اظہار وے۔ اس تیں پہلاں جموں کشمیر غی ٹیم نے اپنا پہلا کوالیفائر مقابلہ مانہہ لداخ نانہہ وی ترے۔ صفر تیں شکست دتی تھی۔ اس جیت سنگ ٹیم غو مقام مزید مضبوط ہو گیو ہے۔

REASI CAMP

ریاسی مانہہ اج ضلع غا مختلف علاقوں تیں آیا واں 100 تیں متہ طلبہ غا ایک گروپ نانہہ ڈپٹی کمشنر ریاسی ندھی ملک نے پنج روزہ رہائشی ٹریکنگ کیمپ واسطے روانہ کیو یوہ کیمپ ضلع سطح ور نوجوان خدمات تے کھیڈ بارے محکمہ پتنی ٹاپ مانہہ منعقد کر رہیو ہے۔ اس کیمپ غو مقصد نوجواناں مانہہ مہم جوئی غا جذبہ، جسمانی تندرستی، تے ذہنی مضبوطی نانہہ فروغ دینو ہے۔ کیمپ غے دوران رہنمائی غے نال ٹریکنگ، مہماتی کھیڈ، یوگا، شخصیت سازی، قیادت تے ماحولیات غا تحفظ تیں متعلق سیشن قائم کیا جیں غا۔ آکاشوانی غا خبراں آلا شعوبہ سنگ گل کرتا واں ضلع افسر ترسیم سنگھ نے کہیو کہ کیمپ نانہہ محفوظ تے کامیاب بنان واسطے تمام

انتظامات کیا گیا ہیں جس مانہ حفاظت، طبی سہولت، مناسب رہائش سے تربیت یافتہ انسٹریٹر شامل ہیں انہاں نے مزید اس طرح کہیو۔

RAMBAN PGKO

گڈ گورننس ویک سال 2025 غے تحت ضلع انتظامیہ رام بن نے 19 دسمبر تیں 25 دسمبر

توڑی ایک اہم مہم پیرشاسن گاؤں کی اور۔ شروع کرن جاری ہے۔ اس مہم غو مقصد عوامی مسائل غا موقع ور حل کڈو، سرکاری خدمات نانہ ہر آخری فرد توڑی پُجانو، شفافیت تے جواب دیہی نانہ فروغ دینو ہے۔ تمام محکمان نانہ ہدایت دتی گئی ہے کہ وہ مقررہ مقامات ور اسٹال لایوں، عوامی شکایات غو فوراً حل کڈیں تے لوکاں نانہ مختلف سرکاری سکیمان غا بارا مانہ آگاہ کریں۔ اس بارے مزید گل کرتا واں چیف پلاننگ افسر، شکیب احمد راتھر نے اس طرح کہیو۔

RUN FOR UNITY

جموں کشمیر پولیس اپنا سیوک ایکشن پروگرام غے تحت 28 دسمبر نانہ جموں غا گلشن گراؤنڈ

مانہ۔ رن فار یوٹی۔ غو انعقاد کرے غی۔ اس موقع ور جموں میراتھن 2025 غو مقصد قومی یکجہتی نانہ فروغ دینو صحت مند زندگی غو پیغام عام کرنو تے عوامی شراکت داری نانہ بدھانو ہے۔ اس پروگرام مانہ اندراج بالکل مفت وے غو۔ شرکاء نانہ کمیز، کھان پین غی چند اشیاء، ثقافتی پروگرام تے ریفل کارڈ غی سہولت وی دتی جے غی۔ تمام عمر غا لوکاں واسطے دس مختلف کیٹگریز رکھی گئی ہیں۔ اس میراتھن مانہ کل انعام غی رقم 4 لکھ 70 ہزار ہے۔ مقابلہ مانہ ہاف میراتھن، دس کلومیٹر غی دوڑ تے ایک خصوصی دو کلومیٹر غی دوڑ شامل ہے۔

WEATHER

محکمہ موسمیات غی تازہ جانکاری غے مطابق جموں کشمیر مانہ 20 دسمبر توڑی موسم زیادہ تر خشک رہن غی پیش گوئی کی گئی ہے جد کہ 21 دسمبر نانہ کشمیر خطہ تے جموں غا کُجھ علاقان مانہ ہلکی بارش غے نال برف باری ہوسکے۔ اونگا 22 تیں 25 دسمبر بشکار تھوڑو تھوڑو چڑھ جد کہ 26 دسمبر نانہ مکمل چڑھ رہن بارے دسیو گیو ہے حکام نے مزید دسیو جے مرکزی زیر انتظام آلا علاقہ مانہ کُجھ مقام ور ہلکی توں درمیانہ درجہ غی تند بو سکے جس غی وجہ توں صفر کرن آلا واسطے راہ دیکھن مانہ مشکل وے غی۔
